

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Tel: 035/668 650 A. Izetbegovića 60-2. 75246 Čelić E-mail: info@opcinacelic.ba
Broj: 02-45-973-1/24
Čelić, 25.09.2024. godine

Na osnovu članova 72. stav (3) tačka c), 70. stav (1), (3) i (6), i 25. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) (u daljem tekstu: Zakon), na preporuku komisije za nabavku broj: 04-45-973-1/24 od 25.09.2024.godine i člana 39. Statuta Općine Čelić („Službeni glasnik Općine Čelić“ broj: 3/17) u postupku javne nabavke radova „Nastavak radova na sanaciji društveno-administrativnog centra MZ Šibošnica, općina Čelić“, Općinski načelnik donosi:

ODLUKU

o dodjeli ugovora drugorangiranom ponuđaču

Član 1.

Prihvata se preporuka komisije za javnu nabavku broj: 04-45-973-1/24 od 25.09.2024.godine i ugovor o izvođenju radova „Nastavak radova na sanaciji društveno-administrativnog centra MZ Šibošnica, općina Čelić“, dodjeljuje se ponuđaču d.o.o. „Ratkovići“ Ratkovići, ponuda broj: P-O-96/2 od 25.04.2024.godine, zaprimljena na protokol ugovornog organa dana 12.07.2024.godine, po ponuđenoj cijeni, a nakon održane e-aukcije, u iznosu od 88.018,00 KM bez PDV-a.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u tenderskoj dokumentaciji broj: 02-45-973/24 od 20.03.2024.godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici Općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

Član 5.

Ovom Odlukom stavlja se van snage Odluka o izboru najpovoljnijeg ponuđača broj 02-45-973/24 od 25.07.2024.godine za javnu nabavku radova „Nastavak radova na sanaciji društveno-administrativnog centra MZ Šibošnica, općina Čelić“, koja je donesena od strane općinskog načelnika.

O b r a z l o Ź e n j e

Postupak javne nabavke pokrenut je odlukom o pokretanju postupka javne nabavke broj: 02-45-973/24 od 20.03.2024.godine. Javna nabavka radova „Nastavak radova na sanaciji društveno-administrativnog centra MZ Šibošnica, općina Čelić“ provedena je putem otvorenog postupka. Procijenjena vrijednost javne nabavke iznosila je 100.000,00 KM bez PDV-a. Obavještenje o nabavci broj: 306-1-3-27-3-17/24 od dana 21.03.2024. godine, ispravka za obavještenje o nabavci broj: 306-1-3-27-8-21/24 od 19.04.2024.godine, ispravka za obavještenje o nabavci broj: 306-1-3-27-8-27/24 od 28.05.2024.godine, odnosno ispravka za obavještenje o nabavci broj: 306-1-3-27-8-32/24 od 02.07.2024.godine.

Komisija za javne nabavke imenovana rješenjem o imenovanju komisije za nabavku broj: 02-45-203/24 od 22.01.2024.godine, nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o pregledu i ocjeni ponuda broj: 04-45-973/24 od 12.07.2024.godine, preporuku o izboru najpovoljnijeg ponuđača broj: 04-45-973/24 od 25.07.2024.godine i izvještaj o radu komisije broj: 04-45-973/24 od 25.07.2024.godine.

U postupku po izvještaju o radu utvrđeno je da je Komisija blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno dvije ponude i to: „Braća Karić“ d.o.o. Zenica i d.o.o. „Ratkovići“ Ratkovići,
- da su blagovremeno primljene dvije ponude,
- da nije bilo neblagovremeno primljenih ponuda,
- da ponude ponuđača „Braća Karić“ d.o.o. Zenica i d.o.o. „Ratkovići“ Ratkovići ispunjavaju kvalifikacione uslove predviđene tenderskom dokumentacijom, te su ocijenjene kao prihvatljive.

Pregledom i ocjenom ponuda nisu uočene računске greške kod ponuđača.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 25.07.2024. godine u 10:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije 25.07.2024. godine u 11:33 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljniji ponuđač „Braća Karić“ d.o.o. Zenica sa najnižom cijenom, a nakon održane e-aukcije, u iznosu od 88.000,00 KM bez PDV-a. Komisija je nakon ocjene ponuda i izvršene e-aukcije dana 25.07.2024.godine dala preporuku ugovornom organu da ugovor o izvođenju radova zaključi sa ponuđačem „Braća Karić“ d.o.o. Zenica sa najnižom cijenom, a nakon održane e-aukcije, u iznosu od 88.000,00 KM bez PDV-a.

Ugovorni organ je dostavio ugovor na potpis ponuđaču „Braća Karić“ d.o.o. Zenica dana 14.08.2024.godine, a isti je dana 21.08.2024.godine dostavio obavijest o nedostacima predmjera, a nakon izvršenog obilaska mjesta izvođenja radova. Ugovorni organ je dostavio odgovor na obavijest dana 17.09.2024. godine, u kojoj je, između ostalog naveo i pozvao se na član 72. stav (5) Zakona, te pozvao ponuđača da dostavi potpisane ugovore u roku od 7 dana od prijema

obavijesti ili da iskoristi svoje zakonsko pravo na odustanak od istog. Ponuđač je 23.09.2024.godine vratio nepotpisane ugovore ovom ugovornom organu.

Komisija je dana 25.09.2024.godine dala preporuku ugovornom organu da ugovor o izvođenju radova zaključi sa drugorangiranim ponuđačem d.o.o. „Ratkovići“ Ratkovići, po ponuđenoj cijeni, a nakon održane e-aukcije, u iznosu od 88.018,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz tenderske dokumentacije.


U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom članova 64. stav (1). tačka b) i 72. stav (3) tačka c) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa. Ponuđač je dužan dostaviti žalbu ugovornom organu najmanje u tri primjerka, a sve u skladu sa članom 101. i 105. Zakona.



OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (2x)
2. Komisiji za nabavke
3. Službi za urbanizam, stambeno komunalne, imovinsko pravne i geodetske poslove
4. Za općinsku web stranicu
5. Evidenciji
6. Arhivi